

Protocol no. 75**Sezzüda da mardi, als 10 settember 2013, 19.30 – 22.00**

Preschaints: Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)

Protocol

Il protocol no. 74 da la sezzüda da gövgia, als 22 avuost 2013 vain approvà.

672 021 FABRICA
Peter Berry bain Zuort; remissa, parcella no. 29004

L'acconsentimaint davart l'uffizi per il svilup dal territori dal Grischun (BAB) ais avantman. In basa da quai e da la proposta da la cumischiun conced'ìl Cussagl il permiss da fabrica cun vusch unanima.

673 021 FABRICA
Men Caviezel bain Battiv; lavuors da mantegnimaint pro'l suottet, parcella no. 1314

La documaint'ais avantman in möd cumplet. La cumischiun ha trattà la fatschenda e sün proposta da quella decid'ìl Cussagl d'inoltrar la dumonda in sen positiv a l'uffizi chantunal pel proceder dal BAB.

674 710.501.14 Infrastructura / proget da sanaziun Davo Stron
Taxas per attachs e condots d'aua privats

In connex cullas lavuors dal proget manzunà vegnan eir renovats tuot ils attachs e condots d'aua e da chanelisaziun privats. Il cumün effettescha quellas lavuors, sto però inchaschar per quellas üna part dals cuosts dals privats chi sun tangats. Il Cussagl fix'ìls imports pauschals sco segua:

Pel attach d'aua	fr. 1'600.00
Pel attach da chanelisaziun	fr. 800.00
Pel attach d'aua meteora	fr. 500.00

Sün quista basa vegnan protramiss a temp ütil ils quints correspondents.

675 011 LEGISLATIVA
Radunanza cumünala e d'orientaziun sur dal proget da fusiun

Il Cussagl fix'ìl termin per quella radunanza sün gövgia, als **17 october 2013 a las 20.15**. El concepischa la glista da tractandas, la quala vain publichada i'l Mas-chalch chi cumpararà prosmamaing.

676 390

BASELGIA

Caluoster; publicaziun da l'incumbenza

Il Cussagl decida da publicher i'l Mas-chalch l'incumbenza da caluoster pella successiun da Gian Andri Albertini barmör, al qual pertocc'ün cordial ingrazchamaint per tuot seis grond e premurus ingaschamaint a bö'n da nos cumün e da la Corporaziun evangelica.

677 720

ALLONTANAMAIN D'IMMUNDIZCHAS

Problematica molocs davant la chasa Gertz e visavi la chasa Baumann

La cusgliera dal dicasteri, Marianne Werro ed il schef da fabrica, Dumeng Jann han salvà ün aboccamaint cun sar Baumann, chi's vaiva lamantà da las imissiuns da savur e da canera cha'ls molocs chaschunan. M. Werro dà ün'infuormaziun detagliada lasupra.

Proceder

M. Werro examinescha uossa tuottas masüras pussiblas (tablas cun uraris da scumond, mezs chemics cunter la savur e.o.p.) per megliorar la situaziun. Ella preschantarà al Cussagl a temp ütil seis resultats. Davopro vain lura decis lasupra.

678

DIVERSAS SCHEFS

Lavuors da pulizia tualetta a Sala / Demischiun da duonna Erica Clalüna

M. Werro orientescha, ch'Erica Clalüna ha demischiunà quella lezcha, our da motivs da sandà, pro ella a bocca. La demischiun in scrit seguirà prosmamaing. A duonn'Erica exprim'il Cussagl ün resenti e cordial ingrazchamaint per sia buna lavur pestada d'ürant blers ons.

Proget Valtellina II a Sur En

Il schef da god, Men Caviezel, preschaint'il rendaquint final in fatschenda e dà las spiegaziuns necessarias.

Hoz ha il silvicultur, Mario Riatsch, preschantà l'ouvra a la gruppa da god Engiadina Bassa e Val Müstair. Da quella vart ais l'ouvra gnüda valütada sco fich buna ed il rebomb ais stat fich positiv. Eir per giarsuns spordscha quella la pussibilità d'imprender fatschendas chi d'eiran idas in invlidanza.

Il Cussagl valütescha la fatschenda eir per fich buna ed accept'il rendaquint preschantà. A l'ingaschamaint da nos silvicultur, M. Riatsch, pertocc'ün cumplimaint ed ingrazchamaint. Il vicecapo, Andri Poo, manzuna però, cha da quistas ouvas, ingiò cha'l cumün s'ingascha cun munaida stuveschan tschüffer üna dimensiun plü gronda pel public. Là as stuveschan augmantar l'ingaschamaint per raggiundscher daplü publicità, dimena id ais puchà, cha quellouvas sun preschaintas e cuntschaintas be i'l ravuogl dals servezzans forestals.

679

ORIENTAZIUNS

Allianza da las Alps / radunanz'annuala

Men Caviezel orientescha, cha Jon Carl Rauch fa part a quella radunanza e rapreschantarà al cumün da Sent. Quella ha lö a Sörenberg LU. Cun quist va il Cussagl d'accord.

Ditta Lazzarini SA / regal sül giubileum da 100 ons

Il Cussagl piglia cugnuschentscha cun plaschair da la charta, cun quala la ditta Lazzarini infuormescha d'avair decis da regalar al cumün da Sent ün banc da giubileum. L'idea dal regal prevezza cha giarsuns da la ditta planiseschan, preparan e realiseschan quel proget da regal.

Il Cussagl sto indichar il lö ingio cha'l banc gniss piazzà e decida pel lö a Sala, dimena il banc existent là vain rimpiazzà dal banc da regal.

680

VARIA

Il Cussagl fix'ils termins per diversas sezzüdas chi sun previssas da salvar prosmamaing.

L'actuar:
Marco Fallet

Il Capo:
Albert Mayer